

10 апреля 2020 года

Пятница 6-й седмицы Великого Поста

КАНУН ЛАЗАРЕВОЙ СУББОТЫ

**Последование малого повечерия с канонем
для домашнего (келейного) совершения**

Молитвами святых отец наших, Господи Иисусе Христе, Боже наш, помилуй нас. **Аминь.**

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. **Трижды, и три поклона.**

Слава Отцу, и Сыну, и Святому Духу, и ныне и присно, и во веки веков. **Аминь.**

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. Трижды.

Слава, и ныне:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[**Яко Твое есть Царство и сила и слава во веки. Аминь. (Мф. 6: 9-13)**]

Господи, помилуй, 12.

Слава, и ныне:

Приидите, поклонимся Цареве нашему Богу.

Приидите, поклонимся Христу, Цареве нашему, Богу.

Приидите, поклонимся и припадём Самому Христу, Цареве и Богу нашему.

Псалом 50

Помилуй мя, Бóже, по велицей мýлости Твоей, и по мнóжеству щедрóт Твоих очисти беззакóние моё. Наипáче омый мя от беззакóния моего, и от грехá моего очисти мя; я́ко беззакóние моё аз зная, и грех мой предо мною есть вýну. Тебё Единому согреших и лукавое пред Тобóю сотворих, я́ко да оправди́шия во словесех Твоих, и победиши внегда судити Ти. Се бо, в беззакóнных зачат есмь, и во гресех роди́ мя ма́ти моя. Се бо, и́стину возлюбил еси́; безвѣстная и та́йная премýдрости Твоея́ явил ми еси́. Окропи́ши мя иссо́пом, и очы́шуся; омы́еши мя, и па́че снѣга убелю́ся. Слу́ху моему́ да́си ра́дость и весѣлие; возра́дуются ко́сти смире́нныя. Отврати́ лице́ Твое́ от грех моих и вся беззакóния моя́ очисти. Сѣрдце чýсто сози́жди во мне, Бóже, и дух прав обнови́ во утробе моей. Не отвержи мене́ от лица́ Твоего́ и Дýха Твоего́ Свята́го не отыми́ от Мене́. Возда́ждь ми ра́дость спасѣния Твоего́ и Дýхом Влады́чним утверди́ мя. Научу́ беззакóнныя путём Твоим, и нечестивии к Тебё обратят́ся. Избáви мя от кровей, Бóже, Бóже спасѣния моего́; возра́дуется язы́к мой правде Твоей. Гóсподи, устне́ мой отверзеши, и уста́ моя́ возвестят хвалу́ Твою́. Я́ко а́ще бы восхотѣл еси́ жѣртвы, дал бых úбо: всесо́жжѣния не благоволи́ши. Жѣртва Бóгу дух сокруше́н; сѣрдце сокруше́нно и смире́нно Бог не уничи́жит. Ублажи́, Гóсподи, благово́лением Твоим Си́она, и да сози́ждутся стѣны́ Иерусали́мския. Тогда́ благоволи́ши жѣртву правды, возноше́ние и всесо́жегаемая; тогда́ возложат на олта́рь Твой тельцы́.

Псалом 69

Бóже, в по́мощь мою́ вонми́, Гóсподи, помощ́и ми потщис́я. Да посты́дятся и посра́мятся и́щущии дýшу мою́, да возвратят́ся вспя́ть и посты́дятся хотя́щии ми злая́. Да возвратят́ся а́бие стыдя́щеся глаго́лющии ми: блага́же, блага́же. Да возра́дуются и возвеселя́тся о Тебё вси и́щущии Тебё, Бóже, и да глаго́лют вýну, да возвели́чится Гóсподь, лю́бящии спасѣние Твое́: аз же нищ есмь и убóг, Бóже, помози́ ми: Помощник мой и Избáвитель мой еси́ Ты, Гóсподи, не зако́снй.

Псалом 142

Гóсподи, услы́ши моли́тву мою́, внуши́ моле́ние моё во и́стине Твоей, услы́ши мя в правде Твоей и не вни́ди в суд с рабо́м Твоим, я́ко не оправди́тся пред Тобóю всяк живы́й. Я́ко погна́ враг дýшу мою́, смири́л есть в зѣмлю живóт мой, посадил мя есть в тѣмных, я́ко мѣртвыя вѣка. И уны́ во мне дух мой, во мне смяте́ся сѣрдце моё. Помяну́х дни дрѣвния, поучи́хся во всех дѣлех Твоих, в творѣниих руку́ Твоею́ поуча́хся. Воздѣх к Тебё рýце мой, душа́ моя́, я́ко земля́ безводная Тебё. Ско́ро услы́ши мя, Гóсподи,

исчезе́ дух мой, не отврати́ лица́ Твоего́ от Мене́, и уподо́блюся низходя́щим в ров. Слы́шану сотвори́ мне за́втра ми́лость Твою́, я́ко на Тя упова́х. Скажи́ мне, Го́споди, путь во́ньже пойду́, я́ко к Тебе́ взях ду́шу мою́. Изми́ мя от враг мои́х, Го́споди, к Тебе́ прибе́гох. Научи́ мя твори́ти во́лю Твою́, я́ко Ты еси́ Бог мой. Дух Твой Благый наста́вит мя на зе́млю пра́ву. И́мене Твоего́ ра́ди, Го́споди, живи́ши мя, пра́вдою Твоею́ изведе́ши от печа́ли ду́шу мою́. И ми́лостью Твоею́ потреби́ши враги́ моя́ и погуби́ши вся стужа́ющыя души́ мое́й, я́ко аз раб Твой есмь.

Великое славословие

Сла́ва в вы́шних Бо́гу, и на земли́ мир, в челове́цах благоволе́ние. Хва́лим Тя, благослови́м Тя, кла́няем Ти ся, славосло́вим Тя, благодарим́ Тя, вели́кия ра́ди сла́вы Твоея́. Го́споди, Царю́ Небе́сный, Боже, О́тче Вседержи́телю, Го́споди Сы́не Единоро́дный, Иису́се Христэ́, и Святы́й Ду́ше. Го́споди Бо́же, А́гнче Бо́жий, Сы́не Оте́чь, вземля́й грех ми́ра, поми́луй нас. Вземля́й грехи́ ми́ра, приими́ моли́тву на́шу. Седя́й одесну́ю Отца́, поми́луй нас. Я́ко Ты еси́ Еди́н Свят; Ты еси́ Еди́н Госпо́дь, Иису́с Христос, в сла́ву Бо́га Отца́, ами́нь.

На вся́ку но́щь благословлю́ Тя и восхвалю́ и́мя Твое́ во ве́ки, и в век ве́ка.

Го́споди, прибе́жище был еси́ нам в род и род. Аз рех: Го́споди, поми́луй мя, исцели́ ду́шу мою́, я́ко согреши́х Тебе́. Го́споди, к Тебе́ прибе́гох, научи́ мя твори́ти во́лю Твою́, я́ко Ты еси́ Бог мой, я́ко у Тебе́ исто́чник живота́, во све́те Твоем́ у́зрим свет. Проба́ви ми́лость Твою́ ве́дущим Тя.

Сподо́би Го́споди, в но́щь сию́ без греха́ сохра́ниться нам. Благослове́н еси́ Го́споди Бо́же отец на́ших, и хва́льно и просла́влено и́мя Твое́ во ве́ки, ами́нь.

Бу́ди, Го́споди, ми́лость Твоя́ на нас, я́коже упова́хом на Тя. Благослове́н еси́, Го́споди, научи́ мя оправда́нием Твои́м. Благослове́н еси́, Влады́ко, вразуми́ мя оправда́нием Твои́м. Благослове́н еси́, Святы́й, просвети́ мя оправда́нии Твои́ми.

Го́споди, ми́лость Твоя́ во век, дел руку́ Твоею́ не прэ́зри: Тебе́ подоба́ет хвала́, Тебе́ подоба́ет пе́ние, Тебе́ сла́ва подоба́ет, Отцу́, и Сы́ну, и Свято́му Ду́ху, ны́не и прі́сно, и во ве́ки веко́в. Ами́нь.

Ве́рую во еди́наго Бо́га Отца́ Вседержи́теля, Творца́ не́бу и земли́, ви́димым же всем и неви́димым. И во еди́наго Го́спода Иису́са Христа́, Сы́на Бо́жия, Единоро́днаго, И́же от Отца́ рожде́ннаго прэ́жде всех век. Све́та от Све́та, Бо́га и́стинна от Бо́га и́стинна, рожде́нна, несотворе́нна, единосу́щна

Отцѹ, Ёмже вся бѣша. Нас ради человек и нашего ради спасения сшедшаго с небес и воплотившагося от Дѹха Свята и Маріи Дѣвы и вочеловѣчшася. Распятаго же за ны при Понтійстем Пилате, и страдавша, и погребѣнна. И воскресшаго в третій день по Писанием. И возшедшаго на Небеса, и сядяща одеснѹю Отца. И паки грядущаго со славою судити живѣм и мѣртвым, Егѡже Царствию не бѹдет конца. И в Дѹха Святаго, Гѡспода, Животворящаго, Ёже от Отца исходящаго, Ёже со Отцем и Сѣном спокланяема и сславима, глаголавшаго пророки. Во едѣну Святѹю, Собѡрнѹю и Апѡстольскѹю Цѣрковь. Исповѣдѹю едѣно крещѣние во оставлѣние грехѡв. Чаю воскресѣния мѣртвых, и жѣзни бѹдущаго вѣка. Амѣнь.

**Канон,
творение святаго отца господина Андрея Критскаго.**

Глас 1.

Песнь 1

Ирмос: Песнь побѣдную поѣм вси Бѡгу, / сотворшему дѣвнѣя чудеса, мѣшцею высѡкою, / и спасшему Израїля, / яко прославися.

Припев: Слава Тебѣ, Бѡже наш, слава Тебѣ.

Мѣртва четвероднѣвна воскресѣв, Спасе мой, Лазаря, / тли изменил еси мѣшцею высѡкою, / и показал еси яко сильный власть Твою.

Возгласѣв Лазаря из грѡба, абие воскресил еси, / но ад доле горце рыдѣше, / и стѣня трепетѣше, Спасе, власти Твоея.

Прослезѣлся еси, Гѡсподи, над Лазарем, / показѹя воплощѣние смотрѣния Твоегѡ, / и яко естеством Бог сый, / естеством по нам был еси Человек.

Марфины слѣзы и Маріины утолил еси, Гѡсподи, / из мѣртвых Лазаря воскресѣв, Спасе, / и показав одухновлѣнна мѣртваго властью Твоею.

Закѡном естества человека вопросил еси, Владыко: / где положѣн бысть Лазарь? / Показѹя всем, Спасе, истинное еже к нам смотрѣние Твое.

Заклѣпы сокрушил еси тогда адовы, возгласѣв Лазаря, / и державу стрясл еси борца, / и покорил еси прѣжде Креста, / трепетати Тебѣ, едѣне Спасе.

Связня Лазаря, от ада держимаго, Владыко, / яко Бог предварил еси, и разрешил еси от уз, / к Твоемѹ бо вся, Сильне, идут повелѣнию.

Слава: Отца прославим, Сына, и Духа, / Троицу нераздельную, во Единице Естества, / и со ангелы Ю, яко единого несозданного Бога славословим.

И ныне, Богородичен: Непременно родила еси Дево Мати Создателя естества, / от Святаго Духа по благоволению Отчу бывша еже есмь, / кроме изменения и смешения.

Песнь 2

Ирмос: Вонми Небо, и возглаблю, / и воспою Христа, / единого Человеколюбца.

Слава Тебе возгласившему токмо, / и из гроба мертв четверодневна друга воздвигшему Лазаря.

Услыша гласа Твоего бездушный, / и одушевлен от мертвых воста абие, / слава Тя, Господи.

Повеление живоноснаго гласа Твоего приим, / смердящий воста от гроба, Спасе мой, Лазарь.

Прослезился еси над другом, Спасе мой, / уверяя наше, якоже носил еси, естество, / и сего воскресил еси.

Вострепета якоже виде ад, / паки текуща абие связана укрыйми, / гласом к здешнему животу.

Ужасошася еврейстии народи / егда возгласив, Спасе, / воскресил еси словом смердящаго Лазаря.

Сотрясошася сокровища адова, / яко одушевлен бысть абие низу Лазарь, / тогда гласом Оживившаго.

Песнь 3

Ирмос: Камень, егоже небрегоша зиждуции, / сей бысть во главу угла. / Той есть Камень, / на немже утверди Церковь Христос, / юже от язык искупил.

Чудо странное и преславное, / како Создатель всех, еже не неведяше, / яко не ведый вопрошаше: / где лежит, егоже рыдаете; / где погребется Лазарь, / егоже помале из мертвых жива / вам воскрешу Аз?

Камень, егоже тебе привалиша погребшии тя, / сего взяти Иисус повелев, / абие воскресил тя, возгласив тебе: / Лазаре востани, гряди ко Мне, / да твоего ад устрашится гласа.

Мáрфа и Мариá Гóсподи, рыдáньми вопия́сте: / се егóже любíл еси́ четвероднёвен смерди́т, / áще бы еси́был zde, тогда́ не бы у́мерл Лázарь. / Но я́ко неразлу́чен вездé, / сегó áбие возгласíв воздви́гл еси́.

Пролия́в над дру́гом слéзы смотре́ния ра́ди, / показáл еси́ плоть от нас взéмлемую, / существóм не мнéнием, Спа́се, соединíвшуюся Тебе́, / и я́ко Человеколю́бец Бог, / сегó áбие возгласíв воздви́гл еси́.

Ув́и мне во́истинну, ны́не погибóх, вопия́ше ад, / си́це возглаша́ше смéрти глаго́ля: / се Назоряни́н до́льняя подви́зá, / и утробу мою́ посека́я, / бездыхáнна мéртва возгласíв воздви́же.

Где еврейское безúмие; где неверие? / Докóле чужди́и, докóле лестцы́, / зрите́ умéршаго глáсом исходя́ща, и не véруете Христу́, / во́истинну сы́нове тьмы вси вы.

Слава: Еди́наго от Трóицы вем Тя, áще и воплотíлся еси́, / еди́наго и сла́влю, Сы́на воплощённа, / от Богороди́цы безсе́менно прозя́бшаго, / и со Отце́м и Ду́хом еди́наго Сы́на славослóвима.

И ны́не, Богородичен: Стрáнное и стра́нное видéние смотре́ния, / éже предзрэ́ша нелóжнии проро́цы Дéву Богороди́цу, / безсе́менно úбо зачéншую, и нетлéнно рóждшую Бóга, / пребывáющую же по рождестве́ Чíстую.

Песнь 4

Ирмос: Взýтся со́лнце, и луна́ ста в чíне своéм, / вознёслся еси́, Долготерпели́ве, на Дре́во, / и водрузи́л еси́на нем Цéрковь Твою́.

Прослезíлся еси́, Гóсподи, над Лázарем, / показáв я́ко Человек еси́, / и воздви́гл еси́, Влады́ко, умéршаго, / и показáл еси́ лю́дем, я́ко Сын еси́ Бóжий.

Бездыхáнный услы́ша повелéние Твоé: / гряди́ вон Лázаре, / текый воста́ше с пелена́ми, и скака́ше, Бла́же, / показу́я держа́ву Твою́.

Мáрфины слéзы и Мари́ины утоли́л еси́, Христé Бóже, / возгласíв Лázаря самовла́стно, / воздви́гл еси́ глáсом и поклони́ся Тебе́.

Прослезíвся я́ко Человек над Лázарем, / воздви́гл еси́ егó я́ко Бог. / Вопроси́л еси́: где погребéся четвероднёвный? / Уверя́я, Бла́же, вочеловéчение Твоé.

Стра́сти зна́мения и Крестá Твоегó, уверя́ти хотя́, Бла́же, / áдово несýтное чрэво растерза́в, / воста́вил еси́, я́ко Бог, четвероднёвнаго.

Кто ви́де, кто слы́ша, я́ко воста́ человек ме́ртвый смердя́щий? / Илиа́ убо́ воздви́же и Елиссéй, / но не от грóба, но ниже́ четверодне́вна.

Поём Твое́, Го́споди, мо́гутство, / поём и стра́сти Христé, / о́нем бо я́ко благоутро́бен чудодéйствовал еси́, / си́ми же смотре́тельно ят еси́ я́ко Чело́век.

Бог еси́ и Чело́век, и́стинствуяй вещьми́и имени́, / предста́л еси́ грóбу плóтию, Сло́ве, / и воздви́гл еси́ я́ко Бог четверодне́внаго.

Ужасóшася, Влады́ко, евре́йстии наро́ди, / я́ко ви́деша воста́вша ме́ртва из грóба Ла́заря со гла́сом Твои́м, / и пребы́ша непокорли́ви чудесéм Твои́м.

Слава: Безнача́льно возсия́л еси́ от Отца́ Твоего́, / я́ко еди́н сый от Трои́цы, Спа́се, / в ле́то в Ду́се из де́вственных Ты проше́л еси́ кровéй, / плоть взял Пресу́щественный.

И ныне, Богородичен: Зача́тие безсе́менное Богоро́дицы, / рождество́ кроме́ стра́сти тле́ния, / Бог бо обо́я чудодéйствова́вый исто́щй Себе́, / да нам соедини́тся.

Песнь 5

Ирмос: Твой мир даждь нам, / Сы́не Бо́жий, / ино́го бо ра́зве Тебе́ бо́га не зна́ем, / И́мя Твое́ имену́ем, / я́ко Бог живы́х и ме́ртвых еси́.

Жизнь сый, Го́споди, и свет и́стинный, / Ла́заря возгласи́в воскреси́л еси́, / я́ко си́лен бо всем показа́л еси́, / я́ко Бог живы́х и ме́ртвых еси́.

Нестерпи́мое Твое́ повелéние, Иису́се, / не терпя́ ад мно́гих приéмый убо́яся, / и четверодне́вна суща́ Ла́заря, со гла́сом жи́ва, а не ме́ртва да́яше.

Персть совоку́пль ду́ху, дрéвле брэние Ду́хом жи́зни, / одуши́вый Сло́ве слóвом Твои́м, / и ны́не же слóвом воскреси́л еси́ от тли дру́га из преиспо́дних.

Ма́нию Твоему́, Го́споди, сопроти́вися никто́же, / егда́ бо ме́ртваго гласи́л еси́ Ла́заря, / а́бие бездыха́нный воста́ваше, / и у́зы нося́, нога́ма хождáше.

О иудéйское безу́мие! О омраче́ние враго́в! / Кто ви́де мертвеца́ из грóба воста́юща? / Или́я дрéвле воскреси́, / но не от грóба, но ниже́ четверодне́вна.

Непобедíme, Долготерпелíве, / вся нас ráди творяй я́ко Бог, и терпй́й я́ко Человéк, / причáстники вся ны сотвори́ Цáрствия Твоегó, / моли́твами Лázаревыми.

Слава: Пребезначáльная, собезначáльная, единочестнáя Трóице, / Óтче Вседержителю, и Сы́не, и Ду́ше Святы́й, / Едíнице Свята́я триипостáсная, / сущия от Адáма спасáй, вéрно Тя воспева́ющия.

И ныне, Богородичен: Пречíстное чрэво Твое́ освяти́, Чíстая, / плоть из негó приéмый / Пребожéственный, в Трóице поклоня́емый, / из Отцá Слово и с Ду́хом Бог.

Песнь 6

Ирмос: Отвэ́ргл мя еси́ во глубины́ сэрдца морскáго, / и спасл еси́ мя, Спáсе, от рабóты смéртныя, / и разрешил еси́ úзы беззакóний мо́их.

Вопроси́л еси́: где есть? вся вéдый, / прослезíлся же еси́, Спáсе, я́ко Человéк естество́м, / воздвигл мя еси́ мéртва повелéнием Твои́м.

Возгласи́л мя еси́, Спáсе, из áда преиспóдняго, / вопиéт Лázарь к Тебé, разрушítелю áда, / и воздвигл мя еси́ мéртва повелéнием Твои́м.

Оде́ял мя еси́, Спáсе, в брénное тéло, / и вдохну́л ми еси́ жизнь, / и ви́дех свет Твой, / и воздвигл мя еси́ мéртва повелéнием Твои́м.

Одуши́л еси́ Ты, бездыхáнный óбраз плóти моея́, Спáсе, / стягну́л мя еси́ костью́ и жíлами, / и воздвигл мя еси́ мéртва повелéнием Твои́м.

Всеснédное растерзáв чрэво áдово, / истóргнул мя еси́, Спáсе, Твоею́ вла́стию, / и воздвигл мя еси́ мéртва повелéнием Твои́м.

Носи́л еси́, Спáсе, смешéние моé всецéло, / сохрани́л же еси́ чíсту пречíстую утрóбу, / из нея́же прошéл еси́ воплотíвся, ед́ин сый Трóицы.

Слава, Троичен: Трóице Свята́я, прославляю́ Твое́ благоутрóбие / и со áнгелы пою́ трисвятую́ песнь: / помíлуй ду́ши нас воспева́ющих Тя.

И ныне, Богородичен: В пречíстую Твою́ утрóбу внíде Слово, / соблюде́ же пáки по рождествé сию́ чíстую, Богородíтельнице, / чúдо во́истинну преслáвное.

Песнь 7

Ирмос: Сúщим в пещи́ отроко́м Твои́м, Спáсе, / не прикосну́ся, ниже́ стужí огонь. / Тогда́ триé, я́ко ед́иними усты́ поя́ху, / и благословля́ху, глаго́люще: / благословéн Бог отéц нáших.

Над мертвецём прослезился еси, Спасе Человеколюбче, / да покажеша всем людем, / яко Бог сый, нас ради Человек явился еси, / и волею прослезился еси, / образы нам предлагая сердечныя любве.

Четверодневный Лазарь, Спасе, / яко услыша низу глас Твой, востав воспе Тя, / и радуясь сице вопияше: / Ты Бог и Создатель мой, / Тебе поклоняюсь и пою воскресившаго мя.

Аще и узами обложен есмь, / Лазарь низу вопияше Свободителю, / но никакоже во чреве пребуду адове, / аще токмо воззовеши мя, Лазаре, гряди вон. / Ты бо свет мой и живот.

Молю тя, Лазаре, ад рече, востани, / изыди от заклепов моих скоро, отыди убо, / добро бо мне единого рыдати горце отъемлема, / нежели всех, ихже прежде алча поглотих.

О что косниси, Лазаре, глаголет, / гряди вон, зовет стоя Друг твой: / изыди убо, да и аз ослабу приму, / отнеже бо ты сндох, на блевание пища устрои ми.

Что не востанеши Лазаре скоро, воззва из долу ад рыдая? / Что не абие воскрес течеши отсюду? / Да не и других ми пленит Христос, воскресив тя.

Удивляемь был еси Владыко Христе, чудная тогда соделав многая, / свет бо слепым, глухим же уши отверзл еси словом, / и друга Лазаря из мертвых, яко Бог возгласив воздвигл еси.

Слава, Троицен: Троицкую воспойм песнь, / славяще безначальнаго Отца, и Сына, и Духа Праваго, / единственное едино Существо, / еже Троически воспойм: / Свят, Свят, Свят еси Троице.

И ныне, Богородичен: Яко единого от Троицы Тя, Христе, славим, / яко от Девы воплощся, / кроме преложения человечески вся претерпел еси, / не отступль естества отеческа Иисусе, аще и соединился еси нам.

Песнь 8

Ирмос: Небеса небес и вода, яже превыше небес, / благословите, пойте Господа, / и превозносите Его во веки.

Творец и Содержитель всех, / за милосердие во Вифанию прииде, воздвигнути Лазаря.

Четверодневный смердя, и повойми обязан, / изменися дыханием бездыханный, / возгласившу Ти, Господи.

Иудейстии людіе, яко видеша умершаго, / Твоім гласом воставша, Христѣ, распыхахуся.

Омраченнии о свѣте иудее, / что не веруете Лазареву востанию, Христову начинанию?

Да радуется Сион и да поет Жизнодавца, / воскресившаго словом от гроба Лазаря.

Боги небеснии и род земных воспеша Тя, / егда Спасе мой Лазаря воздвигл еси.

Слава: Со Отцем и Сыном Духа славословлю / и поя немолчно взываю: / Трисвятыи, слава Тебе.

И ныне, Богородичен: Тебе благословлю и поклоняюся Родждшемуся из Девы, / не разлучшуся престола святых славы Твоея.

Песнь 9

Ирмос: Сотвори державу мшцею Своею, / низложи бо сильныя со престол, / и вознеси смиренныя Бог Израилев. / В нихже посети нас Восток с высоти, / и направил ны есть на путь мира.

Да поет чудо Вифания с нами, / в ней бо прослезися Создатель, законом естества плоти, / Лазаря воскрешая, / и Марфины слезы прочее, и плач Марииин в радость предлагая, / мертвеца воздвигл есть.

Уверяя Слове, Воскресение Твое, / призвал еси Лазаря из гроба, и воздвигл еси яко Бог, / да покажеша людем Бога же и Человека вкупе воистинне суща, / и воздвигша храм телесе Твоего.

Стрясл еси врата и верей железныя, / устрашил еси ад гласом Твоим, / ужасеся же с ним и смерть абие, / яко видеша Лазаря, Спасе, суща в них узника, / одушевлена гласом и воскресша.

Ужасошася вси, / яко видеша Тя, Спасе, слезяща, Лазаря умерша, / и глаголаху народи: / виждь, како его любляше. / Абие убо возгласил еси его, и востав бездыханный, / отложи тление повелением Твоим.

Потрясошася врата, сокрушишася верей, / разрешишася узы мертвого гласом силы Христовы, / и ад горько воздыхаше рыдая, и своим вопияше: / увы мне, кий и откуда глас оживляяй мертвыя?

Востани отсюду послушав гласа, / Друг бо твой вон приглашает тя: / Сей есть прежде воскресивый мертвыя. / Илия убо воздвиже мертва, и Елисей купно, / но Сей бе онеми и глаголай и действующий.

Поём Твою, Слове, непобедимую крепость, / костью бо и жилами умерша / воздвигл еси словом Твоим, яко всех Создатель, / и сего воскресил еси, Спасе, от преисподних, / якоже вдовья сына суща на одре.

Слава: Троице Всесвятая, / Отче безначальный Боже, / собезначальный Сыне и Божественный Слове, / Утешителю Благий, Душе Святой Божий, / единый и трисолнечный Свете, соестественное Существо, / едины Боже и Господи, ущедри мир.

И ныне, Богородичен: Вся сотворивый в премудрости, Иисусе, / и во всего мя оболкийся из Девы, / и весь пребываяй присно в недрах Отца, / Святой Дух Твой, Христе, на стадо Твое низпослав / яко Бог, осени нас.

Ирмос: Сотвори державу мущею Своею, / низложил бо сильныя со престол, / и вознес смиренныя Бог Израилев. / В нихже посетил нас Восток с высот, / и направил ны есть на путь мира.

Святой Боже, Святой Крепкий, Святой Безсмертный, помилуй нас. Трижды, и три поклона.

Слава Отцу, и Сыну, и Святому Духу, и ныне и присно, и во веки веков. Аминь.

Пресвятая Троице, помилуй нас: Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. Трижды.

Слава, и ныне:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

Тропарь, глас 1:

Общее воскресение / прежде Твоей Страсти уверяя, / из мертвых воздвигл еси Лазаря, Христе Боже. / Темже и мы, яко отроцы победы знамения носяще, / Тебе победителю смерти вопиём: / осанна в вышних, / благословен Грядый во имя Господне.

Слава, и ныне:

Кондак, глас 2:

Всех радость Христос, / Истина, Свет, Живот и мира Воскресение, / сущим на земли явися Своею благодистю, / и бысть образ Воскресения, / всем подай Божественное оставление.

Господи, помилуй. 40.

Иже на всякое время и на всякий час, на Небеси и на земли, покланяемый и слаvimый, Христэ Бже, Долготерпеливе, Многомилостиве, Многоблагоутробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградй нас святыми Твоими Ангелы, да ополчением их соблюдаемы и наставляемы, достигнем в соединение веры и в разум неприступныя Твоея славы, яко благословен еси во веки веков, аминь.

Слава, и ныне:

Господи, помилуй. Трижды.

Честнейшую Херувим / и слаvнейшую без сравнения Серафим, / без исления Бога Слова рождшую, / сущую Богородицу, Тя величаем.

Молитвами святых отец наших, Господи Иисусе Христэ, Бже наш, помилуй нас. **Аминь.**

И молитва молебная ко Пресвятей Богородице:

Нескверная, Неблазная, Нетленная, Пречистая, Чистая Деве, Богоневесто Владычице, яже Бога Слова человеком преславным Твоим Рождеством соединившая, и отринувшееся естество рода нашего небесным совокупляющая: яже ненадежных единая Надежда, и боримых помощи, готовое заступление к Тебе притекающих, и всех христиан прибежище. Не гнушайся мене грешнаго, сквернаго, скверными помысли, и словесы, и деяньми всего себе непотребна сотворша, и разумом лености сластей жития раба бывша; но яко человеколюбиваго Бога Мати, человеколюбне умилосердися о мне грешнем и блуднем, и прими мое, еже от скверных устен приносимое Тебе моление: и Твоего Сына, и нашего Владыку и Господа, матернее Твое дерзновение употребляюще, моли, да отверзет и мне человеколюбныя утробы Своея благодисти, и презрев моя безчисленная прегрешения, обратит мя к покаянию, и Своих заповедей делателя искусна явит мя. И представи мене присно, яко милостивая, и милосердая, и благолюбивая, в настоящем убо житии теплая

Предстáтельница и Помóщнице, сопротивных нашéствия отгоняючи, и ко спасéнию наставляючи мя: и во врéмя исхода моего окаянную мою дúшу соблюдаючи, и тёмныя зраки лукавых бесóв далéче от нея отгоняючи: в страшний же день судá вéчныя мя избавляючи мýки, и неизречённыя слáвы Твоего Сына и Бóга нашего наследника мя показуючи. Юже и да улучú, Владычице моя, Пресвятáя Богородице, Твоим ходатайством и заступлением, благодатию и человеколюбием Единороднаго Сына Твоего, Господа и Бóга и Спáса нашего Иисуса Христа. Емуже подобает всякая слáва, честь и поклонение, со Безначальным Его Отцём, и Пресвятым, и Благим, и Животворящим Его Дúхом, ныне и присно, и во вéки веков, аминь.

**Молитва иная ко Господу нашему Иисусу Христу,
Антиóха монаха Пандéкта:**

И даждь нам, Владыко, на сон грядущим покой тела и души, и сохрани нас от мрачнаго сна греховнаго, и от всякаго тёмнаго и ношнаго сладострастия: укроти стремления страстей, угаси разжженные стрелы лукаваго, яже на ны лстыивно движимыя: плоти наша востания утоли, и всякое земное и вещественное наше мудрование успи. И даруй нам, Бóже, бодр ум, целомудр помысл, сердце трезвящееся, сон легок и всякаго сатанина мечтания изменен. Возстави же нас во время молитвы утверждены в заповедех Твоих, и память судеб Твоих в себе твердо имуща: всенощное славословие нам даруй, во еже пети и благословити и славити пречестное и великолепое имя Твое, Отца, и Сына, и Святаго Дúха, ныне и присно, и во вéки веков, аминь.

Преславная Приснодево, Мати Христа Бóга, принеси нашу молитву Сыну Твоему и Бóгу нашему, да спасет Тобю души наша.

Молитва иная святого Иоанникия:

Упование мое Отец, прибежище мое Сын, покров мой Дух Святой, Троице Святой, слава Тебе.

Слава, и ныне:

Господи, помилуй. **Трижды.** Благослови.

Отпуст

Христэ, истинный Бóже наш, молитвами Пречистой Твоей Матере, преподобных и богоносных отец наших и всех святых, помилуй и спаси нас, яко Благ и Человеколюбец. Аминь.

И просим друг у друга прощения

И молитва:

Ненавѣдящих и обѣдящих нас прости, Господи, Человеколюбче. Благотворящим благосотвори. Братиям и сродником нашим даруй яже ко спасению прошения и жизнь вечную. В немощех сущия посети и исцеление даруй. Иже в мори управи. С путешествующими спутешествуй. Служащим и милующим нас, грехов оставление даруй. Заповедавших нам, недостойным, молиться о них, помилуй по велицей Твоей милости. Помяни, Господи, прежде усопшия отцы и братию нашу, и упокой я, идеже присещает свет лица Твоего. Помяни, Господи, братьев наших плененных и избави я от всякаго обстояния. Помяни, Господи, плодоносящих и доброделяющих во святых Твоих церквах, и даждь им яже ко спасению прошения и жизнь вечную. Помяни, Господи, и нас, смиренных и грешных и недостойных раб Твоих, и просвети наш ум светом разума Твоего, и настави нас на стезю заповедей Твоих. Молитвами Пречистой Владычицы нашей Богородицы и Приснодевы Марии и всех Твоих святых. Яко благословен еси во веки веков. **Аминь.**